



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), i Prijedloga odluke gradonačelnika broj: 24-000163/11 od 23. 9. 2011. godine, Skupština Brčko distrikta BiH, na nastavku 52. redovne sjednice održanom 26. oktobra 2011. godine, donosi

O D L U K U

O RASPISIVANJU JAVNOG OGLASA ZA POVJERAVANJE POSLOVA IZ OBLASTI REKREATIVNO-SPORTSKOG RIBOLOVA

Član 1

Odobrava se raspisivanje javnog oglasa za izbor saveza ribolovačkih udruženja ili asocijacije ribolovaca registrovanih na nivou Brčko distrikta BiH (u daljnjem tekstu: asocijacije), kojoj će biti povjeren dio poslova iz nadležnosti Odjeljenja za poljoprivredu, šumarstvo i vodoprivredu, iz oblasti rekreativno-sportskog ribolova na ribolovačkom području Brčko distrikta BiH.

Član 2

Asocijaciji će biti povjereni sljedeći poslovi iz nadležnosti Odjeljenja za poljoprivredu, šumarstvo i vodoprivredu Vlade Brčko distrikta BiH:

- a) izdavanje uvjerenja o položenom ribolovačkom ispitu licima koja su položila ribolovački ispit za rekreativno-sportskog ribolov;
- b) izdavanje uvjerenja o položenom ribolovačkom ispitu licima koja su na osnovu ranijih propisa položila ribolovački ispit i time stekla pravo na uvjerenje bez obaveze ponovnog polaganja;
- c) vođenje registra o izdatim uvjerenjima o položenom ribolovačkom ispitu za rekreativno-sportski ribolov;
- d) izdavanje dozvola za sticanje ribolovačkog prava u rekreativno-sportskom ribolovu;
- e) izdavanje odobrenja za sva takmičenja u rekreativno-sportskom ribolovu;
- f) prikupljanje podataka od nosioca ribolovačkog prava, o količini i sastavu ulova;
- g) izdavanje znački i ribolovačkih dozvola na zahtjev nosioca ribolovačkog prava uz naknadu;
- h) provođenje polaganja ribolovačkog ispita prema programu za polaganje ribolovačkog ispita, te ribolovačko-čuvarskog ispita prema programu za polaganje ribolovačko-čuvarskog ispita u rekreativno-sportskom ribolovu.

Član 3

(1) Odjeljenje za poljoprivredu, šumarstvo i vodoprivredu Vlade Brčko distrikta BiH objavljuje javni oglas za povjeravanje poslova iz oblasti rekreativno-sportskog ribolova.

(2) Javni oglas sadrži uslove za učestvovanje na javnom oglasu, period povjeravanja ovlaštenja i prestanak ovlaštenja.

Član 4

Izbor asocijacije izvršit će se metodom bodovanja na osnovu sljedećih kriterija:

- a) broj članova asocijacije, maksimalno 50 bodova;
- b) vrijeme postojanja asocijacije, maksimalno 25 bodova,
- c) dosadašnje aktivnosti u vezi sa sportsko-rekreativnim ribolovom, maksimalno 25 bodova.

Član 5

Izbor asocijacije u skladu s kriterijima iz člana 4 ove odluke izvršit će komisija koju će na prijedlog Odjeljenja za poljoprivredu, šumarstvo i vodoprivredu imenovati gradonačelnik.

Član 6

(1) Nakon provedenog postupka odabira, komisija iz člana 5 ove odluke sačinjava zapisnik u kojem će predložiti asocijaciju kojoj će biti povjerena javna ovlaštenja.

(2) Svim učesnicima javnog oglasa dostavlja se obavještenje o prijedlogu najpovoljnije asocijacije kojoj će biti povjerena javna ovlaštenja.

(3) Učesnici javnog oglasa imaju pravo na prigovor u roku od osam dana od dana dostavljanja obavještenja.

(4) O prigovoru odlučuje šef Odjeljenja za poljoprivredu, šumarstvo i vodoprivredu u roku od osam dana od dana ulaganja prigovora.

Član 7

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-470/11
Brčko, 26. oktobra 2011. godine

PREDSJEDNIK
SKUPŠTINE BRČKO DISTRIKTA BiH

Esad Atić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za poljoprivredu, šumarstvo i vodoprivredu
5. Sektoru za koordinaciju politika i opće poslove
- Odsjeku za opće poslove
6. Arhivi